

Prozesciun de Jenn ai 2, 3 y 4 de jügn 2022

I piun ia dales 07:30

- Deache al né chisc dis nia scora, é ince i mituns envies da jí en Jenn, sanben tan ennant che ara vá.
- Düc é der bel racomanés da perié y cianté cun devoziun y fede !
- I tignun sö n bun comportamënt y se iestun da pelegriuns (nia braies cörtes).
- No stede a ciacolé tla prozesciun o disturbé a val'manira. Orun ince desmostré cherianza tles ostaries, botèghes y tles ciases co se dá alberch.
- I romagnun tal medemo post tla prozesciun y pal medemo compagn. An se fej plü saurí da se meter sö canche an pëia endô ia.
- Chi co dij dant stá a mez la prozesciun. Tolesse la spaternöra!
- Al gnará endô partí fora en picio liber con ciances y oraziuns.

La prozesciun de Jeo rovará adalerch a S. Linert la sabeda, en Vöia de Pasca de Ma, nanter les 16:00 y les 17:00.

Gita dla Uniun dles Èles a Piné (cun santa mëssa): ai 09 de jügn dales 07:30 da Pedraces por jí a S. Maria de Piné. Dedô junse a Trënt a ti ciaré al Dom y al centro storico. Le cost é presciapüch de 60 €. Prenotesse pro Roberta 338/3852548 anter i 4 de jügn (domisdé o sëra).

Conzert de conclujiun dla Scora de Musiga Val Badia: en lünesc ai 30 de ma a **Al Plan** dales **17:00 te dlijia** y dales **18:00 sön paiun**. Al sará da aldí melodies de scolares/scolars dla Scora de musiga.


Ciasa de Palsa: al vëgn lascé alsavëi che dai 1. de jügn inant sará i ufizi daverc al publich tratan chisc orars: lönesc - jöbia: dales 9:00 ales 12:30 y dales 13:30 ales 16:30; vëndres: dales 9:00 ales 12:30.

Le "**Grup Caritas**" se abina ai 30 de ma dales 19:30 tl local di Minis.

Jun a pe cun le KVV: i inviun düc en mercui, al 1. de jügn ala "*roda dles viles*" a La Plí. I piun ia dales 08:00 da Pedraces y prenotesse al nr. 339 6257779 (Iaco) o 338 2119002 (Giuvana).

Curs da grilié ai 11 de jügn dales 12:30 sön paiun dla mäjiga de Badia cun Pire Rubatscher. Da se prenoté cina ai 6 de jügn al nr. 340 3438709

La Presidënta dl Consëi de Cüra recorda che en la Festa de San Iaco gnará fat iluminaziun. Ponsede adora assá !



Plata dla Ploania Badia

San Iaco - San Linert

Ploan: Siur Iaco Wendelin Willeit

Cell. 347 909 4532

Calonia Badia: 0471/839571

E-Mail: parrocchiabadia@libero.it

Radio dla Ploania: 91,10 Mhz

UNITÉ PASTORALA



VAL BADIA

www.unitepastorala.org

Ann „C“ 29.05. – 05.06.2022 Domënia dl' Assënza n. 27



*Y tratan ch'al i benedî,
i al lascé y é gnü alzé sö
cuntra le cil.*

Vangelo della Domenica di Pentecoste - Anno "C"

Gv .14,15 -16.23-26

In quel tempo, Gesù disse ai suoi discepoli: «Se mi amate, osserverete i miei comandamenti; e io pregherò il Padre ed egli vi darà un altro Paràclito perché rimanga con voi per sempre. Se uno mi ama, osserverà la mia parola e il Padre mio lo amerà e noi verremo a lui e prenderemo dimora presso di lui. Chi non mi ama, non osserva le mie parole; e la parola che voi ascoltate non è mia, ma del Padre che mi ha mandato. Vi ho detto queste cose mentre sono ancora presso di voi. Ma il Paràclito, lo Spirito Santo che il Padre manderà nel mio nome, lui vi insegnerà ogni cosa e vi ricorderà tutto ciò che io vi ho detto».

FUNZIUNS SACRES

29.05. **FESTA dl' ASSËNZA – Ann C**

- 10.00 **Mëssa por la Comunità**
†to Alfred Rungg
†ti Otto y Waltraud Pizzinini
por fam. de Paola Costisella
- 11.00 *Zelebrazion dl Bato*
- 15.00 *Ora de adoraziun*
- 18.00 †to Erich Dapunt / †ti Lois y Anna Frena • *cianta Philia* •
por les animes plö arbandonades en onur de düc i Sanc

31.05. **Mertesc**

- 19.30 *Devoziun de Ma por la fin dl mëis de S. Maria*

01.06. **Mercui**

- 07.30 †ta Gertraud Prast
†ti Gottfried y Zilia Nagler
por fam. Lois y Erna Valentin en reingraz.

02.06. **Jöbia**

- 07.30** *al pëia ia la prozesciun en Jeo*
09.00 *a Pescol: Mëssa cun chi de Jeo*
por la vijinanza de Pescol

03.06. **Vëndres – Prüm vëndres dl mëis**

- 07.30 por fam. Franz Thaler en reingraziamënt
†ti Felize y Maria Flatscher
por les animes dl purgatore

04.06. **Sabeda**

- 16.00 Mëssa a Oies
16:00 – 17:00 *Röva adarlerch chi de Jeo*

05.06. **FESTA de PASCA de MA – Ann C**

- 08.00 *Esposiziun dl Santiscimo y scomenciamënt dles ores*
- 10.00 **Mëssa solena en onur dl Spirit Sant**
†to Otto Clement - aniversar
†ta Maria Ferdigg Tasser - aniversar
†ta Clara Nagler Crazzolara
- 15.00 **Ora de adoraziun por düc**
- 18.00 †ti Paolo y Carolina Pitscheider
†to Iaco Pescollderung (dal KVV)

Dala VITA dla CÛRA


PASCA de MA 2022

Ores de adoraziun

- 08 – 09 Pedraces – Sompunt – Paracia – Ciaminades – Damez
- 09 – 10 Fisti – Larcenëi - Craciurara – Reslada – Castalta – Adan
Pescolderunch – Peslalz – Pescol – Crafunara – Val
- 10** **Mëssa Grana**
- 11 – 12 San Linert
- 15** **Ora de adoraziun por düc**
- 16 – 17 Ruac – Alfarëi – Pransarores – Rainé – Cianacëi – Oies –
Frëinademez – Anví – Sotró – Jusciara – Runch – Parüs –
Puntac – Sotgherdëna
- 17 – 18 Costa – Corcela – Sotciastel – Grones – Piz – Valgiarëi –
Col d'Anví – Andrac – Cialaruns
- Conclujiun y benedisciun**
- 18** **S. Mëssa**



En sabeda, ai 28.05.2022 se á uní tl Sacramënt dl MATRIMONE Walter Valentin cun Verena Tasser. Düta la comunité ti aoda tröpa ligrëza y benedisciun de Dî sön so tru deboriada.



En chësta domënia, ai 29.05.2022 ciafa le Sacramënt dl BATO la müta Lien de Patrick Reimann y Stefanie Irsara. Ala picera che tolun sö te nosta comunité cristiana y a sü geniturs les mius audanzes.

Comuniun ai amará: siur Degan jará en vëndres, ai 3 de jügn dales 09:30 inant a proveder.

Chël pa che dëida ala preparaziun di Sacramënc? Por le sorvisc de preparaziun ai Sacramënc (Bato, 1^a Comuniun, Crejima) vëgnel pité na formaziun da d'altonn tres la Unité pastorala Val Badia. Por informaziuns y iscriziuns telefonede a Annamaria Fiung 347 5277810 cina ala fin de jügn.

Dal Consëi de Cûra: tl' ultima reuniun s'á le Consëi fat n gran pinsier sura la Mëssa di Scolars y la preparaziun ai Sacramënc. I orun düc se purvé da tó ite tla Comunité i mituns y jogn y les families, mo co ?

Leturs: i ciarfëise te sacrestia o te calonia la plata nöia di leturs.